

Na osnovu člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), Odluke o pedagoškim standardima i normativima za odgoj i obrazovanje u osnovnoj i srednjoj školi („Službene novine Kantona Sarajevo“, broj: 03/25 i 29/25), Odluke o izmjeni Nastavnog plana i programa sa definisanim ishodom učenja iz nastavnog predmeta Muzička/Glazbena kultura, broj: 11-34-30789-3/25 od 12.06.2025. godine, uz prethodno provedene konsultacije sa predstavnicima Sindikata JU OŠ „6.mart“ Hadžići, Sarajevo, a na prijedlog direktora škole, školski odbor na sjednici održanoj dana 08.04.2026.godine godine, donosi :

PRAVILNIK O IZMJENAMA PRAVILNIKA O RADU JAVNE USTANOVE OSNOVNA ŠKOLA »6.MART« HADŽIĆI

Član 1.

(Izmjena člana 147. tačka D-13.)

(Uvjeti za vršenje poslova)

U Pravilniku o radu Javne ustanove Osnovna škola „6.mart“ Hadžići, Sarajevo (broj: 01-1-544-1/25 i 01-1-1001/25), u dijelu XIII – Organizacija i sistematizacija poslova, u članu 147. tačka D) Nastavnici razredne i predmetne nastave, podtačka 13. Nastavnik muzičke kulture – Uvjeti za vršenje poslova, mijenja se i glasi:

„Profil i stručna sprema: Nastavnik predmetne nastave ima visoku stručnu spremu i izvodi nastavu od VI do IX razreda, a nastavu može izvoditi i u V razredu na osnovu odluke direktora. Određene nastavne predmete može izvoditi i u I, II, III i IV razredu, u skladu s nastavnim planom i programom kojim se regulišu profil i stručna sprema nastavnika za odgovarajući predmet.

Nastavu u osnovnoj školi izvode lica sa završenim VI ili VII stepenom stručne spreme, kao i lica sa završenim I (prvim) ciklusom bolonjskog visokoobrazovnog procesa u trajanju od najmanje tri godine, sa ostvarenih najmanje 180 ECTS bodova odgovarajućeg (nastavničkog) smjera i stečenim zvanjem nastavnika, profesora ili bakalaureata/bachelor.

U osnovnoj školi radni odnos mogu zasnovati i lica koja su završila prvi ciklus bolonjskog visokoobrazovnog procesa do kraja školske 2020/2021. godine, uz obavezu završetka II ciklusa bolonjskog visokoobrazovnog procesa u roku od četiri godine od dana stupanja na snagu ovog zakona. Također, radni odnos mogu zasnovati i lica sa završenim VI stepenom stručne spreme prema predbolonjskom sistemu studiranja, uz obavezu doškoloovanja u roku od tri godine od dana donošenja programa doškoloovanja (član 16. kojim se dopunjuje član 121. „Službenih novina Kantona Sarajevo“, broj: 33/21).

Nastavu iz nastavnog predmeta Muzička/Glazbena kultura (V–IX razred) – oblast Skupno muziciranje mogu izvoditi:

- profesori muzičke kulture i teoretsko-muzičkih predmeta (po predbolonjskom sistemu studija) ili diplomanti drugih visokoškolskih umjetničkih muzičkih institucija sa odgovarajućim odsjecima;
- nastavnik muzičkog odgoja – VŠS (po predbolonjskom sistemu studija);
- diplomirani muzički pedagog (po predbolonjskom sistemu studija);
- profesori muzike sa završenom muzičkom akademijom;
- lica sa završenim teoretsko-pedagoškim odsjekom u četverogodišnjem trajanju, VII stepen (po predbolonjskom sistemu studija);
- lica sa završenim I ciklusom studija na odsjeku za muzičku teoriju i pedagogiju u najmanje četverogodišnjem trajanju, sa 240 ECTS bodova (po bolonjskom sistemu studija);

- lica sa završenim I i II ciklusom studija na odsjeku za muzičku teoriju i pedagogiju u ukupnom trajanju od pet godina, sa 300 ECTS bodova (po bolonjskom sistemu studija).“

Član 2.

(Izmjene i dopune Pravilnika)

Ostale odredbe Pravilnika o radu Javne ustanove Osnovna “6.mart” Hadžići, Sarajevo, (broj: 01-1-544-1/25 i 01-1-1001/25), ostaju neizmijenjene i na snazi.

Član 3.

(Stupanje na snagu)

Ovaj Pravilnik o izmjenama Pravilnika o radu Javne ustanove Osnovna škola “6.mart” Hadžići, Sarajevo, stupa na snagu danom donošenja.



PREDSJEDNICA ŠKOLSKOG ODBORA

Amina Proha, prof.

Djelovodni broj: 01-1-795/26

Datum: 08.04.2026. godine